

Boipiletso ba Paulose ba Boruti



SABATHA THAPAMA

Bakeng sa Thuto ea beke ena, Bala:

Ba-Gal. 4:12–20, 1 Ba-Kor. 11:1, Ba-Fil. 3:17, 1 Ba-Kor. 9:19–23, 2 Ba-Kor. 4:7–12.

Temana ea Khopolo:

“Le be joalo ka 'na, hobane le 'na ke joale ka lōna; kea le rapela hle, banab'eso” (Ba-Galata 4:12).

Joalo ka ha re bone ho fihlela joale, Paulose ha a ka a kutlela mantsoe ho Ba-Galata. Puo ea hae e matla, leha ho le joalo, e bonahalitse khauhelo e susumelitsoeng eo a nang a na le eona malebana le semoea sa kereke eo a e theileng. Ntle le ntlha e hlokolosi ea thuto-Molimo eo Paulose a neng a sebetsana le eona, lengolo la Ba-Galata ka ho pharalla ha lona le bontša ba thuto e nepahetseng. Haeba seo re se lumelang se ne se bohlokoa ha kaalo, haeba ho nepahala ha thuto ho ne ho se na taba, joale hobaneng ha Paulose a bile bohale, le ho se qeke, lengolong la hae? 'Nete ke hore, ruri, seo re se lumelang se bohlokoa haholo, haholo malebana le evangeli.

Ho Ba-Galata 4:12–20 Paulose o tsoela pele ka puo ea hae, leha a fetola mokhoa oa katamelo hanyenyane. Paulose o entse likhang tse 'maloa tse hlakileng le tsa thuto-Molimo ho susumetsa Ba-Galata ka liphoso tsa bona, le ho etsa boipiletso ba bolisa bo amang. Ho fapana le baruti ba bohata ba neng ba se na thahasello ea 'nete ho Ba-Galata, Paulose o hlhisa khathatseho ea sebele, tšepo, le lerato la molisa ea molemo bakeng sa mohlape oa hae o lahlehileng. O ne a sa lokise feela thuto; o ne a batla ho sebeletsa bao a ba ratang.

**Bala thuto ea Beke ena ho lokisetsa Sabatha, 16 Phato.*

Pelo ea Paulose

Bala Ba-Galata 4:12–20. Sehlooho sa molaetsa oa Paulose litemaneng tsee sefe?

Pontšo ea pele ea khathatseho e imetseng pelo ea Paulose boipiletsong ba hae e temaneng ea 12. Bopiletso bo latela hang ka mora hore Paulose a phehelle hore Ba-Galata ba be “joalo ka 'na.” Bohlokoe ba lentsoe kea le kopa kapa kea le rapela, ka bomalimabe ha lea behoa hantle liphetoletong tse ling. Lentsoe ka se-Gerike ke deomai. Leha ka tolokoa e le “ho qela” (NKJV) kapa “ho kopa” (ESV), lentsoe la se-Gerike le na le moelelo o matlanyana oa ho qekisa (sheba 2 Ba-Kor. 5:20, 8:4, 10:2). Paulose o re, “Kea le rapela!” Khathatseho ea Paulose e ne e se feela ka khopolo ea thuto-Molimo le pono e fapaneng e lithuto. Pelo ea hae e ne e tlamahane le maphelo a batho ba tlisitsoeng ho Krete ka bosebeletsi ba hae. O ne a ipona e le motho ea fetang feela motsalle; e ne e le ntate oa bona oa semoea, 'me e ne e le bana ba hae. Empa ho feta moo, Paulose o tsoantša khathatseho ea hae ho Ba-Galata joalo ka khathatseho le mahlaba a tsamaeang le 'm'e ea belehang (Ba-Gal. 4:19). Paulose o nahanne hore mosebetsi oa hae oa pejana o ne o lekane bakeng sa pholoho ea bona ha a ne a theha kereke. Empa ha joale ha Ba-Galata ba se ba tlohile 'neteng, Paulose o ne a fihleloa ke mahlaba a ho beleha hang hape e le ho sireletsa bophelo ba bona.

Paulose o ne a na le pakane efe kelellong ea hae bakeng sa Ba-Galata? Ke litholoang life tseo a neng a batla ho li bona mahlabeng ohle a hae molemong oa bona? Ba-Gal. 4:19.

Ka ho hlalosa pele Ba-Galata joalo ka ha e ka ba tsoa popelong, Paulose joale o bua ka Ba-Galata joalo ka ha eka ke baimana ka bo bona. Lentsoe le tolokiloeng e le ho “bopeloa” le sebelisitsoe ho supa kholo ea peo popelong. Ka papiso ena Paulose o hlalosa se boleloang ka ho Mokreste, ka bo mong le ka sehlopha re le kereke. Ho ba molateli oa Krete ho feta feela boipolelo ba tumelo; ho kenyeletsa phetoho ea ho ba joalo ka Krete. Paulose o ne a sa sheba lipheto tse nyane tse 'malo ho Ba-Galata empa lipheto tse kholo tseo ho li bona e tla ka ho bona Krete.”—Leon Morris, *Galatians (Downers Grove, Ill.: InterVarsity Press, 1996)*, p. 142.

Ke ka litsela life u boneng semelo sa Krete se bonahatsoa bophelong ba hao? Ke likarolong life o lokelang ho hola haholo?

Qholotso ea Ho Ba

Bala 1 BA-Korinthe 11:1; Ba-Filipi 3:17; 2 Ba-Thesalonika 3:7–9; le Liketso 26:28, 29. Paulose o reng moo e bonahalang ho Ba-Galata 4:12? Ke joang re lokelang ho utloisa ntlha ea hae?

Makhetlo a 'maloa mangolong ohle a Paulose, o kthoaletsa Bakreste ho mo etsisa. Boemo ka bong, Paulose o ipeha e le mohlala o matla oo balumeli ba ka o latelang. Ho 2 Ba-Thesalonika 3:7–9, Paulose o ipeha e le mohlala oa ka seo balumeli ba Thesalonika ba lokelang ho sebeletsa ho ba ona maphelong a bona e seng ho ba moroalo ho ba bang. Ho 1 Ba-Korinthe 11:1, Paulose o mema Ba-Korinthe ho mo etsisa ho beha ba bang pele. Khathatseho ea Paulose ho Ba-Galata e bonahala e fapane.

Ho Ba-Galata 4:12, Paulose ha a kope Ba-Galata ho mo etsisa; empa, o ba kopa ho ba “joalo ka” eena—o bua ka botho, e seng ho etsa. Hobaneng? Bothata Galatia e ne e se boitsoaro kapa mokhoa oa ho phela, joalo ka kerekeng ea Korinthe. Taba Galatia e ne e metse tabeng ea Bokreste ka bo bona. E ne e le haholo ka “botho” e seng “boitsoaro.” Paulose o ne a sa re etsang joalo ka 'na, empa e bang seo ke leng sona. Puo e tsoanang hantle le e ho Ba-Galata 4:12 e hlaha boipiletsong ba Paulose ho Herod Agrippa II ho Liketso 26:29, moo Paulose a ngolang, “Hoja Molimo o ka etsa, kapa haufi, kapa khale, hore e seng uena feela, empa le bohle ba 'mamelang kajeno, le be joalo ka 'na, feela e seng ka litlamo tsena”. Ka mantsoe a mang, Paulose o bolela maiphihlelo a hae e le Mokreste, motheo oo e leng oa Kreste feela, tumelo e tšepang seo Kreste a mo etselitseng sona e seng mesebetsi ea molao. Ba-Galata ba beha boleng bo boholo boitsoarong ba bona hofeta boleng ba bona ho Kreste.

Leha Paulose a sa qolle hore na ke joang a batlang hore Ba-Galata ba be joalo ka eena, boemo ba litaba ho Ba-Galata bo bontša hore ha se polelo e khurumetsang e fihlelang karolo tsohle tsa bophelo. Kaha khathatseho ea hae e ne e le ka bolumeli bo itšetlehileng ka molao ho Ba-Galata, Paulose kelellong ea hae ruri o ne a na le lerato le hlollang, nyakallo, tokoloho, le tiisetso ea pholoho eo a e fumaneng ho Jesu Kreste. Ka leseli le hlollang la Kreste, Paulose o ithutile ho etsa tsohle tse ling lithole (Ba-Fil. 3:5–9)— 'me o ne a labalabela hore Ba-Galata le bona ba be le maiphihlelo a joalo.

Na hona le motho eo mo tsebang (ntlle le Jesu) ea u etsatsang mohlala o motle? Haeba ho joalo, ke limelo life tsa motho eo tseo u fumanang e le mohlala, 'me ke joang betere o ka senolang limelo tseo bophelong ba hao?

Ke Joalo ka Lōna

Bala 1 Ba-Korinthe 9:19–23. Paulose o reng litemaneng tsee e ka re thusang ho utloisisa betere ntlha ea hae karolong ea ho qetela ea lengolo la Ba-Galata 4:12? (Sheba hape Liketso 17:16–34, 1 Ba-Kor. 8:8–13, Ba-Gal. 2:11–14.)

Ba-Galatians 4:12 e ka bonahala e ferekanya. Hobaneng Ba-Galata ba lokela ho ba joalo ka Paulose, ha a se a le joalo ka bona? Joalo kaha re bone thutong ea maobane, Paulose o ne a batla hore ba be joalo ka eena tumelong ea hae e phethahetseng le sebeteng ka pholoho le lekaneng e fumanoang ho Krete. Puo ea hae ka ho ba joalo ka bona e ne e le khopotso ea ka moo, le ha e ne e le mo-Juda, e bileng Molichaba “ntle le molao” e le hore a tle a fihlele Balichaba ka evangeli. Joalo ka morumuoa e moholo lefatšeng la Balichaba, Paulose o ithutile ho ruta evangeli bobeli ho Balichaba le ho ba-Juda. Hantle ho latela 1 Ba-Korinthe 9:19–23, leha evangeli e ne e lutse e tšoana, mokhoa oa Paulose o ne o fapana ho ipapisitsoe le batho bao a lekang ho ba fihlela. “Paulose e bile pula-maliboho ho seo kajeno re ka se bitsang ho tisa molaetsa ho batho, tlhokahalo ea ho fetisa molaetsa ka tsela eo e buang ka boemo ba batho bao e rutoang ho bona”—Timothy George, *The New American Commentary: Galatians* (Nashville, Tenn.: Broadman & Holman Publishers, 1994), p. 321.

Puo ea Paulose ho 1 Ba-Korinthe 9:21 e bontša hore ho na le liphelelo hore na motho o isa evangeli bathong joang. Ka mohlala o bua ka hore, leha motho a lokolohile ho fihlela Bajude le Balichaba ka mekhoha e fapaneng, tokoloho ena hae kenyeletse tokelo ea ho phela bophelo bo se nang molao, hobane Bakreste ba ka “tlasa molao oa Krete.” Leha ho tliša evangelizing bathong ho se bonolo kamehla, “ha re khona ho arola pelo ea evangeli ho tsoa meetlong ea eona le ho tliša molaetsa oa Krete bathong re sa lahle boleng ba oona, le rōna re lokela ho etsisa Paulose.”—Timothy George, *Galatians*, pp. 321, 322.

Ho bonolo ho oka seso ka makhapha, na ha ho joalo? Ka linako tse ling ka ho ba Mokreste oa nako e telele, ho ba bobebe ho tloisa mahlo ntlha tsa Bokreste. Hobaneng seo se lokela ho ba joalo? Ichebe, ka 'nete eohle. Ke ho inekanya ho ho kae ho keneng bophelong ba hao, 'me ke ka litsela life u ipueletse? Ke joang u ka fetolang see likarolong tseo u hlokang ho etsa joalo?

Ka Nako eo le Joale

Likamano tsa Paulose le balumeli ba Galatia kamehla li ne li se thata le ho ba bolutu joalo ka ha joale. Ha e le hantle, joalo ka ha Paulose a hopola pela ha a ne a ruta evangeli Galatia, o bua ka mantose a thabileng ka moo ba bileng ba mo tšoara kateng. Ho etsahetseng?

Ke ketsahalo efe e entseng hore Paulose a etse qeto ea ho ruta evangeli Galatia? Ba-Gal. 4:13.

Ho bonahala e ne e se morero oa sethathong oa Paulose ho ruta evangeli Galatia. Bokulo bo ile ba mo fihlela, leha ho le joalo leetong la hae, bo ileng ba mo qobella ho lula nakoana e teletsana Galatia ho feta ka moo ho lebeletsoeng kapa ho etela Galatia hore a tle a fole. Mofuta oa Bokulo ba Paulose e sa la e le semaka. Ba bang ba bolela hore o ne a tšoeroe ke malaria; ba bang (ba ipapisitse le qotsulo ea Paulose ea hore Ba-Galata ba ne ba ka rata ho ikhonya mahlo le ho mo nea oona) ba bolela hore e ne e le bothata ba mahlo. Bokulo ba hae bo amana le ‘moutloa nameng’ oo a buang ka oona ho 2 Ba-Korinthe 12:7–9. Ho sa tsotellehe se neng se mo tšoare, o re bolella hore se ne se se monate hoo e bileng teko ho Ba-Galata. Lefatšeng leo bokulo bo neng bo nkoa e le letšoa la khalefo ea leholimo (John 9:1, 2; Luka 13:1–4), bokulo ba Paulose bo ne bo ka etsa hore ha bobebe Ba-Galata ba latole eena le molaetsa oa hae. Empa ba amohetse Paulose ka lipelo tsohle. Hobaneng? Hobane lipelo tsa bona li ne li futhumalitsoe ke thuto ea sefapano (Ba-Gal. 3:1) le kholiso ea Moea o Halalelang. Ke lebaka lefe joale leo ba ka fanang ka lona e le boitšireletso ba boitšoaaro ba bona?

Labaka la Molimo e ka ba lefe la ho tlohela Paulose ho utloa bohloko? Ke joang Paulose a ka sebeletsang ba bang ha a suhana le bothata ba hae? Ba-Roma 8:28, 2 Ba-Kor. 4:7–12, 12:7–10.

Ho sa tsotellehe hore na bokulo ba Paulose e ne e le bofe, bo ne bo hloabaetsa, 'me bo ne ba ka mofa mabaka a ho beha Molimo molato kapa ho lahla ho ruta evangeli. Paulose ha a etsa tseo. Hoena le hore a tlohella boemo ho mo laola, Paulose o ile a bo sebelisa e le monyetla oa ho itšetleha mohaung oa Molimo. “Nako le nako Molimo o sebelisitse mathata a bophelo—bokulo, lithoriso, bofuma, le likoluo tsa tlholeho le litlokotsi tse sitoang ho hlahosoa—e le maemo a ho bonahatsa qenehelo le mohau e le mokhoa oa ho anetsa evangeli.”—Timothy George, *Galatians*, pp. 323, 324.

Ke joang u ka ithutang ho lumella liteko le mahlomola ho etsa hore u ithute haholo ka Morena? (ke ha u na le malepa afe hape?)

Ho Bolela 'Nete

Bala Ba-Galata 4:16. Ke ntlha efe e matla eo Paulose a e etsang mo? Ke ka litsela life uena u bileng le maiphihlelo a se tšoanang? (Sheba hape John 3:19; Matt. 26:64, 65; Jer. 36:17–23.)

Poleloana “ho bolela 'nete” hangata e na le moelelo o fosahetseng, haholo mehleng ea rōna le molokong ona, leha e ka bonoa e le betsa ka thata, ho bua feela, mokhoa oa ho se etse lira ka ho bolella ba bang linnete, ho sa tsotellehe hore na li bohla kapa ha li batlehe ha kae. Ha e be e ba ha se ka puo ea Paulose ho Ba-Galata 4:12–20 le lipuo tse ling tse hasang lengolong la hae (sheba Ba-Gal. 6:9, 10), e mong ka phoso a ka etsa qeto ea hore thahasello ea Paulose 'neteng ea evangeli e fetisa pontšo ea lerato. Empa joalo ka re bone, leha Paulose a ne a khathatsehile ka Ba-Galata ka ho tseba “'nete ea evangeli” (sheba Ba-Gal. 2:5, 14), khathatseho e tsositsoe ke lerato la hae ho bona. Ke mang ea so kang a ba le maiphihlelo a bohloko ba bolella motho kapa ka puo e utloahalang, ho bua 'nete ho bona eo bas a i that —for whatever reason—they don't want to hear? Ka mabaka a itseng ba sa batleng ho e utloa, e seng hobane re batla ho hloko-fatsa, leha ka linako tse ling mantsoe a rōna a na le ho hlaba kapa hona ho halefisa kapa ho haha khanyetso khahlanong le rōna. Re ea e etsa leha ho le joalo, hobane re ea tseba hore ke seo motho a hloka ho se utloa, ho sa natsoe hore na ha ba batle ha kae.

Ho Ba-Galata 4:17–20, Paulose o re'ng ka bao a hanyetsanang le bona? Ke eng hape eo a e qholotsang, ntle le thuto?

Ho fapana le bonnete ba evangeli ea Paulose, e neng e ka nna khopisa Bagalata, bahanyetsi ba hae ba ne ba ba batla ho nkeloa holimo ke Ba-Galata, e seng ka baka la lerato empa ka baka la boikhabo. Ha ho hlake hantle hore na Paulose o ne a reng ha a re “ba mpa ba rata ho re koallela ntle,” leha sena mohlomong se ka bolela ho ba koala kantle ho menyetla ea evangeli ho fihlela ba amohela lebollo.

Nahana ka ketsahalo mantsoe a hao, leha e le a 'nete le ho hloka-hala, a entseng hore motho e mong a u halefe. U ile oa ithuta eng ka maiphihlelong ao e ka u thusang nakong e tlang ha u batla ho etsa se seng se tšoanang?

Ho Ithuta Haholoanyane:

“Likerekeng tsa Galatia, phoso e bulehileng, e sa ipatang e ne e tlosa molaetsa oa evangeli. Kreste, motheo oa 'nete oa tumelo, o ne a furalloa ka baka la mekete e feletsoeng ke nako ea bo-Juda. Moapostola a bona hore haeba balumeli ba Galatia ba ka pholoso tšusumetsong e kotsi ea e ba tibileng, qeto tse potlakileng li lokela ho nkoa, litlhokomeliso tse bohale li fanoe. “Thuto e bohlokoa bakeng sa mosebeletsi e mong le e mong oa krete ho ithuta sona ke ho tlosa matla a hae maemong ao a a sebeletsang. Bonolo, mamello, liqeto, le ho tiiea tsohle li ea hlokeha; empa tsena li hloka ho etsoa ka khethollo e nepahetseng. Ho sebetsa ka bohlae le likelello tse fapaneng, tlasa maemo a sa tsoaneng le liphelelo, ke mosebetsi o hloka bohlae le kahlolo e hlakileng le ho halaletsoa ke Moea oa Molimo. . . . “Paulose o qela bao maphelong a bona ba tsibileng matla a Molimo, ho khutlela leratong la bona la pele la 'nete ea evangeli. Ka likhang tse sa arajoeng o beha kapele ho bona menyetla ea ho ba banna le basali ba lokolohileng ho Kreste, ka tlolo ea mohau oa hae bohle ba inehelang ka botlalo ba apesoa ka seaparo sa ho loka ha hae. O nkile boemo boo moea o mong le o mong o tla bolokeha o lokelang ho ba le maiphihlelo a 'nete a botho linthong tsa Molimo. “Mantsoe a tiileng a moporofeta a kopo a bile le litholoana. Moea o Halalelang o entse ka matla a maholo, 'me ba bangata bao maoto a bona a neng a hlalathetse litseleng lisele, ba khutletse tumelong ea bona ea pele evangeling. Ho tloha moo ba ile ba tiea tokolohong eo ka eona Kreste a ba lokolotseng.”—Ellen G. White, *The Acts of the Apostles*, lq. 385, 386, 388.

Lipotso tsa Puisano:

- 1. Lula haholo potsong ea mahlomola le ka moo Molimo a ka a sebelisang kateng. Ke joang re sebetsanang le maemo ao ho seng letho le molemo le hlahang ho tsoa mahlomoleng?**
- 2. Nahana ka khopolo ea Kreste ea ho boptjoa ka hare ho rōna. See se bolela'ng ka mokhoa o utloahalang? Ke joang re ka tsebang hore see se etsahala ho rōna? Ke joang re ipolokang ho nyahameng ha ho sa etsahale ka pele ka moo re nahanang?**

Kakaretso:

Ha a entse likhang tse 'maloa tse hlakileng le tsa thuto-molimo, Paulose joale o etsa boipiletso bo amang maikutlo ho Ba-Galata. O ba qela ho mamela keletso ea hae, le ho ba hopotsa likamano tse ntle tseo ba neng ba na le tsona le lerato la sebele le khathatseho eo a nang le eona ho bona joalo ka motsoali oa semoea.

